

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 375 del 14/02/2023

Traduzione in ladino

EuregioSummerCamp 2023, se pel se enscinuèr dai 15 de firé inant

Dai 15 de firé se pel se enscinuèr al EuregioSummerCamp 2023, che chest an l é stat endrezà dai 20 ai 27 de aost e che, aldò da la tradizion, l rejonarà de natura.

Presciapèch 60 tousc i vegnarà envié te n alberch a San Valantin de Brentonico, tel Trentin, olache i podarà passèr na setemèna de gran emozions e se fèr neves amisc a l'averta ti bos e ti pré. Empedimenc che podessa entravegnir, ajache i partezipanc reiona desferenc lengac, i vegnarà passé via de gra a ativitèdes de grop e jeghes, col didament di acompagnadores de mère lenga talièna e todescia. L program, defat, l tol ite de curta scontrèdes ti desferenc lengac, estra che ativitèdes tel temp ledech, desche nodèr o jìer a bala sgol.

La proponeta la vegnarà portèda dant en mèrtesc ai 14 de firé te Casa Moggioli, senta informativa del Euregio a Trent, en ocajon de la seconda scontrèda de chesta sajon di Mèrtesc del Euregio. La scontrèda, averta a duta la jent che à enteres, la é endrezèda da les 6 da sera te Via Grazioli, 25.

L EuregioSummerCamp l se ouc a tousc e touses del Trentin, Sudtiroi e Tiroi nasciui ti egn 2009, 2010 o 2011, che cognosc n second lengaz (todesch o talian); defat fora per duta la setemèna vegnarà rejonà ti doi lengac. La ativitèdes individuèles les vegnarà fates da personal de mère lenga spezialisà, estra che vegnir endrezèdes dantfora dai compagnadores. L contribut per poder tor pèrt l é de 150 euro e l tol ite assistenza, animazion, cost e cartier, che doventa 180 euro se se cogn sumèr ence l viac compagnà a jir e vegnir de outa.

L EuregioSummerCamp 2023, endrezà dal ofize comun del Euregio Tiroi, Sudtiroi e Trentin, co la colaborazion de Equipe Natura, l vegnarà metù a jir aldò de la regoles per la segurezza Covid-19. Se fossa de besegn, i partezipanc i cognarà esser a una per fèr l test de control per l Covid-19, o moscièr l Green Pass. Se l EuregioSummerCamp 2023 l cognessa vegnir descancelà a l ultim a cajon de na emergenza sanitèra, la quota de partezipazion la vegnarà data de outa.

Per informazions: <https://www.europaregion.info/it/summercamp/>

Traduzion di Servijes Linguistics e Culturèi del Comun general de Fascia

(cdt)